

毛惕園居士編

淨土叢書

陳子平敬題



普為贈借淨籍贊助編纂及捐
資助印預約讀誦受持展轉流
通者回向偈曰

願以此功德 消除宿現業
增長諸福慧 圓成勝善根
所有刀兵劫 水火及饑饉
疾病災難等 普願盡消滅
先亡皆超昇 現眷咸安樂
風雨常調順 人民悉康寧
國運永昌隆 世界普和平
法界諸含識 同證無上道

中華民國六十一年四月初版
中華民國七十年七月再版
淨土叢書 全部精裝二十冊

發行者 臺灣印經處

臺北市吳興街松山寺內
電話：7076136 • 7074334
郵政劃撥：1 3 8 3 5

編纂者 毛惕園

承印者 七海印刷有限公司

臺北市和平西路三段
三〇九巷一五弄四一號
電話：3062580 • 3061007

淨土叢書第七冊目錄 精要部下

淨業弟子惕園毛凌雲敬編

續淨土十要

- 第一 楞嚴經大勢至菩薩念佛圓通章講義 一卷 七—四四
- 第二 往生論註 二卷 一名無量壽經優婆提舍願生偈論 四五—一三五
- 附略論安樂淨土義 一卷 一三五—一四五
- 附天親菩薩傳 曇鸞法師傳 一四六—一五〇
- 第三 西方確指 一卷 一五一—一九六
- 第四 西方發願文解 一卷 一九七—二〇四
- 附 西方發願文註 一卷 二〇五—二二四
- 附 西方發願文簡註 一卷 二八一—二三四
- 第五 蓮華世界詩 一卷 二三五—三四二
- 附省庵勸修淨土詩 一卷

淨土叢書第七冊目錄

淨土叢書第七冊目錄

- 第六 勸發菩提心文講義 一卷 三四三—四五二
- 第七 徹悟禪師語錄 二卷 四五三—五三〇
- 第八 印光大師文鈔菁華錄 一卷 五三一—六九四
- 第九 龍舒淨土文 十卷 六九五—八四四
- 第十 念佛三要 一卷 八四五—八七六

續淨土十要增刪再版序

堅密大師云：「佛法之妙，莫要於淨土，淨土之妙，莫要於持名。」前爲便於淨業行人，若從解入，必須遍讀大乘，廣學祖教，凡是發明淨土之書，皆須一一參求。惟編入大藏者，非深入三藏，難於尋究，而藏外流傳者，尤多難訪求。特廣蒐精選，分類編纂爲淨土叢書，凡有關淨宗持名、觀像、觀想、實相等念佛法門之經論、註疏、著述、行儀、史傳等，皆已包羅無遺，誠集淨典之大成也。爲恐年老或事忙而從行入者，厭其過繁，無暇精研，特再精選專弘持名之要典，編爲續淨土十要，附於淨土十要之後，合編爲叢書之精要部，俾讀者博中取約，易收事半功倍之效也。更爲便於專持名號者，多印十要單行本，以廣流通，俾皆取法有地，依教念佛也。

查淨土法門，雖千經俱闡，而專弘淨土者惟三經，淨宗九祖靈峯蕩益大師，精選淨土十要時，卽選阿彌陀經要解爲第一，以專弘持名者惟此一經也。淨宗十三祖靈巖印光大師，復以楞嚴經大勢至菩薩念佛圓通章，列於三經之後，而以普賢行願品殿之，稱爲淨土五經。前選續淨土十要時，首選此章，但以文簡義豐，初機不易領會，古有單行註疏，又以文義過豐，非末法行人所能修習而改選。茲以靜權老法師講義，誠如了然法師序云：「豐簡相適，理事周全，詞意暢達，一目了然，對於末代念佛同倫，契理契機。」

「而前選續要第五之淨土警語，其中觀佛毫相法云：「淨業行人，苟能一心持名，往生可保，兼修妙觀，託品必高。」有違十要第一之阿彌陀經要解明白昭示：「阿彌陀佛是萬德洪名，以名召德，罄無不盡，故即以執持名號爲正行，不必更涉觀想、參究等行，至簡易，至直捷也。」爲恐前後矛盾，疑誤衆生，適值淨土叢書增刪再版，即予刪出，編入叢書著述部，謹以靜公楞嚴經大勢至菩薩念佛圓通章講義，增爲續要第一，亦以其專弘持名，尊經也。原第一、二、三、四，順序後移，皆遵十要之例也。普勸信佛同倫，無論從解入行入，務希一門深入，因佛說一切法門中，求其至直捷圓頓者，莫若念佛求生淨土，而一切念佛法門中，求其至簡易穩當者，莫若信願專持名號也。果能遵照大勢至菩薩之開示：都攝六根，淨念相繼，如子憶母，念念不忘，決定現生即得深入念佛圓通，上生極樂淨土也。

中華民國六十九年歲次庚申大勢至菩薩聖誕日淨業弟子惕園毛凌雲謹序

續淨土十要增刪再版總目

第一 楞嚴經大勢至菩薩念佛圓通章

印公親書
靜公講義

合本一卷

第二 往生論註 二卷

附略論安樂淨土義 一卷

附天親菩薩傳曇鸞法師傳

第三 西方確指 一卷

第四 西方發願文解 一卷

附西方發願文註 一卷

附西方發願文簡註 一卷

第五 蓮華世界詩 一卷

附勸修淨土詩 一卷

第六 勸發菩提心文講義 一卷

第七 徹悟禪師語錄 二卷

第八 印光大師文鈔菁莖錄 一卷

第九 龍舒淨土文 十卷

第十 念佛三要 一卷

續淨土十要序

世界大亂，殺劫瀰漫，天災人禍，恐怖驚惶，民生疾苦，亘古以來，未有至於此極也。爲求離苦得樂，信教者多，或耶或回，甚或外道邪教，而正信佛教者少。近以科學進步，學佛者漸多，或禪或密，甚或研究佛學，而信願念佛者少，獲往生淨土離苦得樂者尤少，皆由不得其要耳。夫宗教之妙，莫要於佛，佛法之妙，莫要於淨，淨土之妙，莫要於十要。蓋以佛法如海，淨典浩瀚，欲得其要，須廣蒐窮究，由博而約，不亦難乎？淨宗九祖靈峯滿益大師，以金剛眼，於諸淨典中，選其契理契機至極無加者，輯爲淨土十要，俾由約而博，易收事半功倍之效，誠苦海之慈航，樂邦之捷徑也。逾時既久，續要必多，淨宗十三祖靈巖印光大師重刊十要，復選其與十要文義宗旨符合，了無差殊者四種，暨各散篇要文，附於各要之後，俾共流傳，普利後學。茲爲編纂淨土叢書，廣搜博覽，不揣庸愚，謹再選最契時機者五種，及十要後附四種，謬以念佛三要附殿於後，名爲續淨土十要。首往生論註，次西方確指，皆菩薩所說也。此後則雲棲、妙意、普仁、梵天、資福、以迄靈巖，皆以時爲序也。龍舒以白衣居後，依十要之例也。非敢妄

續淨土十要第一

淨業弟子惕園毛凌雲敬選

述曰：靈巖印祖淨土五經重刊序云：「諸大乘經帶說淨土者，多難勝數，而楞嚴經大勢至念佛圓通章，實爲念佛最妙開示，衆生果能都攝六根，淨念相繼以念，豈有不現前當來必定見佛，近證圓通，達成佛道乎哉？」靜權老法師之講義，理事周全，詞意暢達，足爲淨業行人之津梁。凡我淨友，務希詳讀精研，共發眞信切願，持佛名號，如子憶母，無時暫忘，決定感應道交，蒙佛攝受，現生親證念佛三昧，橫生極樂四種淨土，永不退轉，一生成佛，直至圓滿佛果而後已。謹依印公紀念會刊行之大勢至菩薩念佛圓通章印公親書靜公講義合本，冠於卷首，尊經也。

靜公講義登出、讀者無不稱善。豐簡相適、理事周全。詞意暢達、一目了然。對於末代念佛同倫、正爲契理契機、遇此因緣、豈淺小哉。正和居士、夙根深厚、奉此講義、如同至寶。拙著入香光室、第二次續印時、居士欲以講義合本刊行。但因拙著一切手續、先已辦定、不能更動。故此講義暫爲停止。若遇機會、定須刊行。茲值印光大師塔院落成、紀念會明如大師、與李慧澄居士、互相籌商、欲以大勢至菩薩念佛圓通章、印公親書、靜公講義、合本刊行。普結淨緣、以此勝舉、紀念印公。所需經費、概由李慧澄、樂慧斌、寶慧龍、張智蔭居士等發心負擔。圓滿成就。商妥之後、明如大師復來函請問辦法、並囑爲序、以冀完善。然遙聞之下、不勝欣幸。遇此機會、極力贊同。隨時轉商德森法師、亦極贊同。並謂以此勝舉、紀念大師、想必大師亦當含笑於常寂光中矣。茲乃特敘來由、藉伸勸囑。願諸同倫、凡讀是書者、人人如入寶藏、個個切莫空回。當生難遭之想、幸逢出世之因。隨機擇法、畢命修持。現在共入勢至之圓通、命終同歸彌陀之淨域、庶不負

二公乘大願力、發大悲心、先後闡揚、普利同倫。及與現在發心施資、刊印是書者、其功德、亦永劫莫能思議矣。述此大綱、聊爲序引。一切詳情、具載講義跋文、茲不贅述、讀者鑒諒、感甚愧甚。

民國三十六年七月十三日大勢至菩薩聖誕日寄食靈巖粥飯僧了然和南序於佛海泉珍桃園之不退關房

刊書因緣感應記

敬按大勢至菩薩念佛圓通章、「印公親書、靜公講義」合本刊行、有大因緣。想必暢佛本懷、蒙佛示現。是以乍逢籌備附印之日、恰值菩薩降誕之晨、忽然燈降舍利、潔白圓明、超然殊勝。思此因緣、關係非淺、理應公布、普令周知、俾念佛同倫、得是書者、愈爲深生信仰、依法修持、將來蓮品、各得高超。所謂因緣者何、蓋本月十一日、得接明如大師報告函、始知此書、正欲發起刊行、頗感同意。隨時轉商德兄、亦表贊同。十二日、書函通知倪正和居士、諒亦同意。十三日、恰值大勢至菩薩聖誕、早晨照常燃香盤、腿念佛。盤好之後、座前桌上所點油燈、以手息却、隨即向燈盤一摸、一二年來、習以爲恆。至五月起、六七天、燈盤內、久未得過舍利。至七月十三日早、忽然覺得摸著一粒甚大之舍利、即輕輕放在小瓷盤內、復燃油燈細看、乃見其精瑩潔白、若水晶珠、較之平常得者、數十粒中、獨此一粒、特別殊勝。因是

忽然感動。思此舍利、莫非大勢至菩薩慈悲所賜乎。竊念諸佛菩薩、慈恩妙德、深廣難思、紛骨碎身、莫能酬報。唯有盡力流通淨典、勸進行者、同修淨業、同歸淨土、以報慈恩於萬一耳。思念至此、忽覺日前德兄法師、有一飯依弟子張智蔭居士、承德兄介紹、居士向德兄寫信、再三發心、要供養。然香敬一百萬圓、隨然作何功德。彼時恰逢拙著入香光室、與淨修導言、第二次續印、書已印好、無別要用。復因張居士誠意難却、故只得允許交邱居士暫為代存、至有善舉、方便取用。現今得遇如是機會、正好盡數附印此書、普結淨緣、以報慈恩、豈不美乎。隨卽書條奉告德兄、託其寄信囑邱居士、速將此款、交紀念會明如大師手、以作附印此書功德芳銜、仍用原人。正寫條時、忽見燈上、又降下一粒、拾之色白如前、唯較小耳。並四月所得之五粒、欲配成九粒、還差二粒小者、是晚復得二粒小者、亦色白如前、恰好配成九粒。另作一盤四大居角、五小居中、莊嚴雅觀、向所未有。現今保存、以應瞻仰。因斯表現、來儀希有、故敬按此書刊行、決定利益難量、苟非有大因緣、云何有此瑞應乎。既蒙菩薩表現、念佛圓通如是如是、理應公開宣揚、引進後學、獲利無窮。無論若信若疑、或讚或謗、一人識田、永爲道種。如食金剛、決定不消。直至因緣成熟、自然發生正信。所謂讚謗等歸解脫、疑信共入蓮邦、但有先後之不同耳。書此來端、藉伸紀念、願諸讀者、幸勿忽焉。

民國三十六年七月十九日寄食靈巖粥飯僧了然和南謹記

楞嚴經大勢至菩薩念佛圓通章

大勢至法王子與其同倫五十二菩薩卽從座起頂禮佛足而
白佛言我憶往昔恆河沙劫有佛出世名無量光十二如來相
繼一劫其最後佛名超日月光彼佛教我念佛三昧譬如有人
一專為憶一人專忘如是二人若逢不逢或見非見二人相憶
二憶念深如是乃至從生至生同於形影不相乖異十方如來
憐念眾生如母憶子若子逃逝雖憶何為子若憶母如母憶時
母子歷生不相違遠若眾生心憶佛念佛現前當來必定見佛
去佛不遠不假方便自得心開如染香人身有香氣此則名曰
香光莊嚴我本因地以念佛心入無生忍今於此界攝念佛人
歸於淨土佛問圓通我無選擇都攝六根淨念相繼得三摩地
一斯為第一

民國二十八年己卯季夏

常慚愧僧釋聖量書

大勢至菩薩讚

印公題

大勢至 利生深 專主念佛法門 如子憶母憶世尊 直下即蒙恩 因
心果覺兩相契 立刻返本還源 都攝六根妙難論 願徧界流存 都攝
六根妙難論 願徧界流存

大勢至菩薩頌

印公題

勢至菩薩德無疆 輔弼彌陀作慈航 救苦直同觀自在 導西不異普賢
王 修因徧用根塵識 證果俱獲圓通常 攝念佛人歸淨土 此恩永劫
莫能忘 南無西方極樂世界無邊光熾身大勢至菩薩

節錄淨土五經序

印公撰

楞嚴經大勢至菩薩念佛圓通章實爲念佛最妙開示。衆生果能都攝六根、淨
念相繼以念、豈有不現前當來、必定見佛、近證圓通、遠成佛道乎哉。故將此章
列於三經之後而以普賢行願品殿之、以成淨土法門之一大緣起。

楞嚴經大勢至菩薩念佛圓通章講義

中華民國三十六年，國曆三月二十三日，至二十五日，上海功德林念

佛善信，恭請靜權老法師講經。末後一天，講大勢至菩薩念佛圓通章。

本講義由倪宏證記錄，倪正和成文，並經了然老法師參校。

甲、略釋題義。乙、正釋經文。今初。

大勢至菩薩念佛圓通章，是楞嚴經之一章。楞嚴經二十五圓通中，第二十四，即大勢至菩薩根大圓通。根大圓通之意義，本文後段再釋。所謂二十五者（即眼、鼻、舌、身、意、五根）色、聲、香、味、觸、法、六塵、眼識、耳識、鼻識、舌識、身識、意識、六識、地、水、火、風、空、根、識、七大。及最後耳根，共為二十五法。即是二十五圓通。但此耳根圓通，應在阿那律陀尊者眼根圓通之後，因此經當機阿難尊者於大眾中，為多聞第一之人，欲令彼易入而易行故，乃俟二十四聖略陳